

DEPORTE 80 DIA

MUNDIAL BRASIL 2014 12 JUNI - 13 JULI

Anouk Eman y Lindenwood University ta bira Campeon absoluto di tur scol na Merca

UN bez mas e top atleta den e deporte di synchro Anouk Eman hunto cu su team di Lindenwood University a pone otro record den Historia. Aña pasa Anouk a gana medaya di brons den Duet (hunto cu Reem Abdelazem) y tambe un medaya di brons den Trio durante e evento U.S. National Collegiate Synchronized Swimming Championships. E nivel di e evento aki ta hopi halto. Otro luna e competencia di mas grandi

na USA lo tuma lugar, cual ta U.S. National Championships. Porcierto den e competencia aki na 2013 Anouk a sobresali den Duet cu medaya di oro. E weekend cu a caba di pasa Anouk y su Team Lindenwood University a marca historia ganando e titulonnan maximo den tur evento di e U.S. National Collegiate Synchronized Swimming Championships y asina pa prome biaha den historia ta logra e titulo di Overall Win-

ner di e 2014 U.S. National Collegiate Championships. Aki Anouk a conquista medaya di oro den Trio y Team. Pa decadanan largo e dos universidadnan, Ohio State y Stanford, tawata e ganadornan absoluto di e competencia aki. E cos di aprecia mas cu tur ta cu e la tuma un Arubiano Anouk Eman hunto cu su team pa logra kibra e record di e 2 universidadnan aki. Nos ta hopi orguyoso di Anouk Eman.

Otro luna Anouk Eman y su Team Lindenwood University lo competi na e evento di U.S. National Championships caminda tur scol, club y otro federacion di natacion na USA lo competi pa e titulo maximo di Synchro. Tambe mester bisa cu poder di Dios Anouk Eman ta gradua como psicologo na Mei di e ana aki na Lindenwood University y ya caba a recibi for di su scol un scholarship pa e por hasi su masters den psicologia. Aki na Lindenwood University Anouk Eman lo sigi entrena pa perapara su mes hunto cu Kyra Hoevertsz pa Olimpiada na 2016. E actividadnan y entrenamiento di e atleta aki ta hopi intenso y impresionante pa mira cu nos tin un atleta asina dedica y talentoso na Aruba. Pa remarca ta cu synchro ta un di e deporte nan mas fisicamente exigente com-

para cu cualkier otro deporte na mundo. Nos ta desea Anouk hopi exito den e competencianan benidero.

